

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Broj: /2021
Maglaj, 2021.godine

Na osnovu člana 2.12 stav (6) i člana 2.15 stav (3) Izbornog zakona BiH ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10, 18/13, 7/14 i 31/16) i člana 18. Statuta Općine Maglaj – prečišćen tekst («Službene novine Općine Maglaj» broj: 8/07, 3/08 i 6/08), a u skladu sa obavještenjem Centralne izborne komisije Bosne i Hercegovine za razrješenje zamjenskog člana i imenovanje člana izborne komisije, broj: 06-1-07-1-49-16/21 od 11.01.2021.godine, Općinsko vijeće Maglaj na sjednici održanoj dana 2021.godine, donosi

RJEŠENJE

o razrješenju zamjenskog člana Općinske izborne komisije Maglaj

Član 1.

Razrješava se dužnosti zamjenskog člana Općinske izborne komisije Maglaj,

1. Anisa Pračić – Šehić

Član 2.

Mandat imenovanog lica iz člana 1. prestaje danom davanja saglasnosti Centralne izborne komisije Bosne i Hercegovine na ovo Rješenje.

Član 3.

Nakon davanja saglasnosti Centralne izborne komisije BiH ovo Rješenje stupa na snagu i objavit će se u "Službenim novinama Općine Maglaj".

PREDSJEDAVAJUĆA
Svjetlana Zamboni - Radovanović

Obrazloženje

Članom 2.12 stav (6) Izbornog zakona BiH („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10, 18/13, 7/14 i 31/16), propisano je da članove Općinske izborne komisije razrješava općinsko vijeće, odnosno skupština općine, uz saglasnost Centralne izborne komisije Bosne i Hercegovine.

Članom 2.15 stav (3) Izbornog zakona BiH („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10, 18/13, 7/14 i 31/16), propisano je da mandat zamjenskog člana Općinske izborne komisije traje do povratka redovnog člana, odnosno do izbora novog člana.

Općinsko vijeće Maglaj je dana 03.02.2021.godine donijelo Odluku o raspisivanju javnog oglasa za izbor i imenovanje člana Općinske izborne komisije, broj:02-45-1-319/2021, te objavilo Javni oglas za imenovanje člana Općinske izborne komisije Maglaj. Po zatvaranju javnog oglasa Komisija za izbor i imenovanja (konkursna komisija) je provela proceduru i nakon provođenja procedure po javnom oglasu sačinila rang listu, te istu dostavila Općinskom vijeću radi donošenja Odluke o imenovanju člana općinske izborne komisije Maglaj.

Kako bi se postupilo po navedenom, te ispoštovale odredbe Izbornog zakona BiH, potrebno je da Općinsko vijeće donese Rješenje o razrješavanju zamjenskog člana Općinske izborne komisije Maglaj.

Obradivač:

Emina Hasanić

Stručni savjetnik za poslove Općinskog vijeća i Općinskog načelnika



Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Broj; /2021
Maglaj, 2021.godine

Na osnovu člana 2.12 stav (5) Izbornog zakona Bosne i Hercegovine („Službeni glasnik BiH“, broj:23/01, 07/02, 09/02, 20/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 7. stav (1) tačka d) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj:57/17, 60/17, 10/18 i 36/19) i člana 18. Statuta Općine Maglaj – prečišćen tekst („Službene novine Općine Maglaj“ broj:8/07, 3/08 i 6/08) Općinsko vijeće Maglaj na sjednici održanoj dana 2021. godine, donosi

RJEŠENJE **o imenovanju člana Općinske izborne komisije Maglaj**

Član 1.

Za člana Općinske izborne komisije Maglaj imenuje se

Josip Maglica

Član 2.

Mandat člana Općinske izborne komisije traje 7 (sedam) godina i teče od dana davanja saglasnosti Centralne izborne komisije BiH na ovo Rješenje.

Član 3.

Nakon davanja saglasnosti Centralne izborne komisije BiH, ovo Rješenje stupa na snagu i objavit će se u „Službenim novinama Općine Maglaj.“

PREDSJEDAVAJUĆA
Svjetlana Zamboni-Radovanović

Obrazloženje

Članom 2.12 stav (5) Izbornog zakona BiH („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10, 18/13, 7/14 i 31/16), propisano je da članove Općinske izborne komisije imenuje općinsko vijeće, odnosno skupština općine, uz saglasnost Centralne izborne komisije Bosne i Hercegovine, na osnovu javnog oglasa po proceduri koje utvrđuje Centralna izborna komisija BiH posebnim propisom.

Članom 7. stav (1) tačka d) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj: 57/17, 60/17, 10/18 i 36/19) propisano je da nadležni organ donosi odluku o imenovanju članova izborne komisije.

Općinsko vijeće Maglaj je dana 03.02.2021.godine donijelo Odluku o raspisivanju javnog oglasa za izbor i imenovanje člana Općinske izborne komisije, broj:02-45-1-319/2021, te dana 08.04.2021.godine objavilo Javni oglas za imenovanje člana Općinske izborne komisije Maglaj. Po zatvaranju javnog oglasa Komisija za izbor i imenovanja (konkursna komisija) je provela proceduru.

Na raspisani Javni oglas prijavilo se tri kandidata. Komisija za izbor i imenovanje održala je sastanak dana 22.04.2021.godine i konstatovala da dva kandidata: Josip Maglica i Anisa Pračić-Šehić ispunjavaju uslove Javnog oglasa, a kandidatkinja Emina Terzimehić ne ispunjava.

Intervju sa kandidatima koji ispunjavaju uslove održan je dana 17.05.2021.godine u 10,00 sati. Kandidatkinja Anisa Pračić-Šehić nije pristupila intervjuu, nakon čega je Komisija za izbor i imenovanje sačinila i rang listu kandidata, kako slijedi:

1. Josip Maglica, bakalaureat/bachelor šumarstva;

Kako bi se postupilo po navedenom, te ispoštovale odredbe Izbornog zakona BiH, potrebno je da Općinsko vijeće donese Rješenje o imenovanju člana Općinske izborne komisije Maglaj.

Obradivač:

Emina Hasanić

Stručni savjetnik za poslove Općinskog vijeća i Općinskog načelnika

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

ZAPISNIK O OBAVLJENOM INTERVJUU ZA ČLANA OPĆINSKE IZBORNE KOMISIJE

Na raspisani Javni oglas prijavilo se tri kandidata. Komisija za izbor i imenovanje (konkursna komisija) održala je sastanak dana 22.04.2021.godine i konstatovala da dva kandidata: Josip Maglica i Anisa Pračić-Šehić ispunjavaju uslove Javnog oglasa, a kandidatkinja Emina Terzimehić ne ispunjava.

Komisija za izbor i imenovanja održala je intervju sa kandidatima koji ispunjavaju uslove navedene u Javnom oglasu za imenovanje člana Općinske izborne komisije, u ponedjeljak, 17.05.2021.godine sa početkom u 10,00 sati. Prethodno su svi kandidati obaviješteni o vremenu održavanja intervjuja.

Intervju je okončan u 10:20 sati.

Komisija je za kandidate pripremila set od 10 pitanja, koja su preuzeta iz Izbornog zakona Bosne i Hercegovine, a koja se tiču nadležnosti OIK-a i provođenja izbornih procedura (set pitanja u prilogu ovog Zapisnika).

Cilj intervjuja je utvrđivanje personalnih karakteristika i iskazanih sposobnosti kandidata za obavljanje poslova kao što su fleksibilnost, motiviranost, entuzijazam, predznanje o nadležnostima OIK-a, poznavanje zakonom propisanih procedura za provođenje izbora, relevantno radno iskustvo, iskustvo u provođenju izbora, analitičke sposobnosti, vještine komunikacije i potencijalni razvoj.

JOSIP MAGLICA, bakalaureat/bachelor šumarstva

Kandidatu su postavljena pitanja pod rednim brojem 1., 2., 4., 5., 6. i 8.

Na osnovu ponuđenih odgovora Komisija je konstatovala da kandidat u potpunosti poznaje zakonom propisane procedure za provođenje izbora i jasno definiše nadležnosti OIK-a

Kandidatkinja Anisa Pračić-Šehić nije pristupila intervjuu, nakon čega je Komisija za izbor i imenovanje sačinila i rang listu kandidata, kako slijedi

1. Josip Maglica, bakalaureat/bachelor šumarstva



Predsjednik Komisije
Mirza Bradarić

Bradarić

Bosna i Hercegovina
Federacija Bosne i Hercegovine
Općina Maglaj
Komisija za izbor i imenovanje

17.5.2021.

Predmet :Pitanja za intervju za izbor člana OIK-a

1. Kratka biografija
2. Da li smatrate da cete obaveze prema OIK-u moci obavljati nesmetano bez obzira na vas stalni posao ? (ukoliko je kandidat u stalnom radnom odnosu)
3. Koje su duznosti OIK-a ?

Član 2.13

Općinska izborna komisija:

1. osigurava da sve kandidatske liste za općinsko vijeće ili skupštinu općine budu sastavljene u skladu s ovim zakonom i dostavlja ih na odobrenje Izornoj komisiji Bosne i Hercegovine;
2. nadgleda rad općinskih organa u procesu provedbe izbora, a osobito proces registracije birača;
3. određuje biračka mjesta na području općine za glasanje na svim nivoima vlasti u Bosni i Hercegovini;
4. imenuje i obučava članove biračkih odbora;
5. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini;
6. obavještava birače o svim informacijama neophodnim za provedbu izbora, u skladu sa propisima Izborne komisije Bosne i Hercegovine;
7. odgovorna je za uređenje biračkog mjesta i druge tehničke pripreme za izbore;
8. odgovorna je za pravilno brojanje glasačkih listića na biračkim mjestima i u općinskim centrima za brojanje;
9. objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Izornoj komisiji Bosne i Hercegovine; i
10. obavlja druge poslove u skladu sa zakonom i propisima Izborne komisije Bosne i Hercegovine.

4. Koji su to opravdani razlozi odsustva u OIK-u ?

Član 2.16

(3) Kao opravdani razlozi odsustva iz stava (2) ovog člana podrazumjevaju se bolest, školovanje, stručno usavršavanje kao i drugi razlozi koje cijeni organ nadležan za imenovanje općinske izborne komisije.

5. Ko i kada imenuje predsjednika i članove biračkog odbora kao i njihove zamjenike ?

Član 2.19

(3) Predsjednika i članove biračkog odbora kao i njihove zamjenike imenuje općinska izborna komisija najkasnije u roku od 30 dana prije dana održavanja izbora.

6. Sta znaci pojam **PREBIVALISTE** ?

Član 3.12

(1) Prebivalište je općina u kojoj se državljanin nastanio sa namjerom da tu stalno živi i gdje je prijava prebivališta izvršena u skladu sa Zakonom o prebivalištu i boravištu državljana BiH.

7. Ko i kada odredjuje biracka mjesta ?

Član 5.1

(2) Biračka mjesta određuje općinska izborna komisija najkasnije 65 dana prije dana izbora. Općinska izborna komisija, neposredno nakon određivanja biračkih mjesta, podnosi spisak lokacija biračkih mjesta Centralnoj izbornoj komisiji BiH. Centralna izborna komisija BiH može promijeniti lokaciju biračkog mjesta ako utvrdi da nije pogodna za glasanje.

8. Gdje se ne moze nalaziti biracko mjesto ?

Član 5.1

(3) Biračko mjesto ne može se nalaziti u vjerskom objektu, zgradi organa vlasti, zgradi koja je vlasništvo političke stranke ili u kojoj je sjedište političke stranke, zgradi koja je korištena kao mjesto za mučenja ili zlostavljanja, ili mjestu gdje se služi ili konzumira alkohol.

9. Ko i kada birackom odboru dostavlja biracki materijal ?

Član 5.3

(1) Općinska izborna komisija, u skladu s uputstvom Centralne izborne komisije BiH, a najkasnije 12 sati prije otvaranja biračkih mjesta na dan izbora, dostavlja biračkom odboru birački materijal, uključujući odgovarajući broj glasačkih kutija, glasačkih listića i kandidatskih listi, izvod iz Centralnog biračkog spiska za određeno biračko mjesto i obrazac zapisnika o radu biračkog odbora o čemu se sačinjava zapisnik koji potpisuju svi članovi biračkog odbora.


10. U kojem roku je OIK duzna da razmotri prigovor i donese adekvatnu odluku ?

Član 6.4

(2) Općinska izborna komisija dužna je da razmotri prigovor i da donese odluku u roku od 48 sati nakon isteka roka utvrđenog članom 6.3. stav (2) ovog Zakona. Općinska izborna komisija dužna je da o svojoj odluci odmah obavijesti podnosioca prigovora, kao i druge strane. Prilikom rješavanja prigovora, općinska izborna komisija može postupati na osnovu utvrđenih činjenica ili održavati rasprave.

Napomena : Pitanja od broja 3 do broja 10 su iz Izbornog zakona BiH !

Predsjednik Komisije za izbor i imenovanje u OV Maglaj



Bradarić Mirza, prof.